

حقوقی بیلگیلر مجموعه سی

صَاحِبْ وَسْرَحْرَدِي: پَارِسْ حُقُوقْ فَاكُولْتِهْ نِي دُوقُورِي

آدوقات میلادی غادرانقو

هیئت تحریریه

موسیو آتیل دستر: پارس حقوق فاکولته سی
مدرس لرندن

موسیو شارفرده: پارس حقوق فاکولته سی
فخری مدرس

موسیو ا. سالام: حقوق دول مجموعه سی
هیئت تحریریه سندن

باهر بک: احضار قوانین قومیسون اعضاء سندن
محمد طلعت بک: آدوقات

موسیو آ. پلیرنی: پارس حقوق فاکولته سی
دوقوروی

فراد خلو سی بک: محکمه تمیز اعضاء سندن

صبری بک: عدلیه وکالتی حقوق ایشلری مدبری

مصطفی رشید بک: استانبول حقوق فاکولته سی
مدرس لرندن

احمد رفیع بک: استانبول اجرا رئیس

احمد صمیم بک: استانبول حقوق فاکولته سی
مدرس لرندن

موسیو شارل قروزا: استانبول حقوق فاکولته سی
مدرس لرندن

آدرهس: غلطه ده بختیار خان آدوقات میلادی غادرانقو بکک یازمخانه سی
تلفون: بک اوغل ۳۰۰۹

بهر نسخه نك بدلی ۳۵ غروشدر

بر سنه لك آونمانی پوسته اجرتیله برابر ۴۰۰ غروشدر

تورکیا خارجی ایچون ۵۰۰ غروشدر

کاغذ حیق و مطبعه جیق آتویم شرکتی — استانبول

۱۹۲۸

JURISPRUDENCE

اجتهادات محاکمه

فهدرال محکمه

22 مارت 928 هجری

— روسهک ریاستی آئنده —

اولادله صایلمش قیر یرلی [I]؛ بایع اولوپور؛ دیگر میرانجیلر بدلاک مقدارینه معارض؛ یرلک رکه به اعاده سنی دعوا ایدیورلر؛ رد؛ تمیز؛ صاییش بدلی، ایراد بدلی؛ تمیزجه تصدیق.

برقیر برنک صامبی بو برینی میرانجیلر زنده برینه نقیر زمانده کی ایراد قیمته صامسانده قسماً تبرک و مهری قبول اولوناماز.

فا . . 20 کانون اول 924 ده اولمش، میرانجی اولارق بودعواده طرفلری تشکیل ایتمکده اولان دوت چوجوق براقشدر.

فا . . 1924 سنه سی 13 ایلولنده قیزی د . . ه، بو «دری» ده کائن، اورناقلق اصولیه ایشله نهن برطاقم تارالریله باغلرینی و اوغلوک . . ه «موسا» اراضیسی تعبیر اولونان برینی صامش. برنجیسی 75000 فرانغه، ایکنجیسی 45000 فرانغه صامش. صاییشن اوچ کون صوکرما معاملینی او بر چوجوقلرینه خبر ویرمش و مقرر بدللرک کندیسنه محق و منصفانه کوروندیکنی علاوه ایتمش.

ترکدنک قید و تسجیلی صیراسنده مشکلات چیقور: 12 مارت 926 تاریخلی آجدقلری بردعوا ایله دیگر ایکی قاردهش، ناملرینه صاییش یاپیلمش اولان قاردهشلرینک او یرلی ترکیه رد واعاده، یاخودینه عادتاً بودیمک اولارق او یرلک نقصان صاییش بدللرینک متممی اولوق و 13 ایلول 924 تاریخندن اعتباراً فائضی ده ویرلک اوزره،

[I] بوراده «قیری» حقوق بر اصطلاحدر، اصلنده بولوندیغی حالده بزم قانون مدنیزه ناصیه آیینامشدر، کندینه خاص آیری حکملره تابعدر، شو صورتله تعریف ایدیلیر: میرانک آجیلدینی ائنده زراعت صورتیه ایشله نیلن، یاخود لاقل قسم اعظمی کذا زراعت صورتیه ایشله نیلن و بو ایشتمه طرزی ادامه ایدیه چک اولان یرل.

ترکبه برنجیسی طرفندن 25000 فرانق وایکنجیسی طرفندن 10000 فرانق تأدیه ایدیلهسنی طلب و چونکه اولجه بابالری طرفندن یوروتیلن بدللرک، اویرلرک حقیقی دکرندن نقصان اولدیغنی، یعنی او ایکی صائیشک کیزلی تبرعی احتوا ایلهدیکنی ادعا ایتمشلردر.

«نوشاتل قانتون محکمه سی» 3 کانون اول 927 تاریخلی ویردیکی بر حکم ایله هرایکی دعوائی آشاعیده تلخیص ایدیلن سبیلردن دولای رد ایتمشدر :

« بر قیریرینک صائیشنده قسماً تبرع اولوب اولمادیغنی تعیین ایتمک ایچون او یرک ده کر بدلی ایله ایراد بدلنی قارشولاشدیرمالی در. حادثه ده اورناقلی یرک ده کر بدلی صائیش تاریخنده 85483 فرانق ایدیه ایراد بدل، اهل وقوفک تقدیرینه کوره، آنجاق 74033 فرانقه بالغ اولوبوردی . فا . . بوری 75000 فرانقه صائمش. طابوجه 1924 ده یابدیرلش اولان تقدیره کوره یر 71885 فرانق طوتارکن بوقیمت بالاخره 82625 فرانقه جیقارلشدر. ایمدی تعریض ایدیلن صائیش معامله سنده بر نوق العاده لک یوقدر و فا . . مالی الندن مقابل و متناسب برعوض آلماقسزین چیقارمش ده کیلدر .»

«موسا اراضیسنه کلنجه بوی 45000 فرانقه ویرلش، طابوجه قیمتی 48325 فرانق طوتیور. اهل وقوف ده کر بدلی اولارق 58000 فرانق، ایراد بدل اولارق 53250 فرانق قویمشدر. صائیش بدل، طابو قیمتندن 3325 فرانق اکسیک طوتیور. بوفرک، شو اهمیتده بر معامله ده اهمیتسزدر .»

«موسا اراضیسنی کیرا ایله ایشله تن کیراجی ده صائیش بدلنک عادل اولدیغنه شهادت ایتمش وچوق طرفی مرعالق اولان بویرک برچوق طرفی ده بوز و قیراج بولونماسیله حاصلاتی آز اولدیغنی و فا . . 1924 ده بو اراضیدن 12000 فرانق قیمتنده آغاچ کسمش بولوندیغندن برچوق زمان ایچون اورمان قسمنک وارداتنک ده دوشدیکنی افاده ایتمشدر .»

«اساساً صائیش فیثاتی ایله قیمت آراسنده آفاق بر فرق بولونماسی معامله ده تبرعک وجودینه دلالت ایتمه ز؛ بونک ایچون صائیشک ویردیکی عوضک، مشرتینک ویردیکی عوضه فائق اولدیغنی بیلمه سی ویا بیلمه سی لازم کله سی شرطدر؛ حال بوکه حادثه ده بویله انفسی برعنصرک تحقیق وارد ده کیلدر . نته کیم موسانک صائیش بدل طابوجه یاپلشم اولان تقدیردن فرقلی ده کیلدر . فا . . بوردن بر چوق زمان سنه ده آنجاق 700 فرانق کچی کوچوک بر کیرا آلبوردی، صوک یابدیغنی قطعیا نک قیمتی برقات ده دوشورمش اولماسی ده آیری

بر نقطه در؛ بو اعتبار ايله دركه، 45000 فرانك ايله قناعت ايتمشدر. متوفا كېي عاقل، تجربه لي اسويچره فده راسيوني تخمين و تقدير هيئي اعضاسندن بولونمش اولان برذاتك ثروت وضعفني ياقيندن بيلديكي و بر درلو اصلاح ايدمهديكي بريرك قيمتي باشقا صورته تقدير ايتمسي وارد ده كيلدر.

«اساساً شهادت لده فا. . . نك دوغري اوزلو و ميراثچيلرندن بر قسمي ديكرلري عليه دهافضله قازانديرمق اوزره قاچاماقلي يولاره صامايه حق صورته دوغرو برآدام اولديني اثبات ايتمشدر. بو شرائط ايچنده موسا اراضيسنك صايشنده ده قسماً تبرع كورمكه محل بوقدر.»

مدعيلر بوقراري تميز و مدعالرينك ترويجني طلب ايتمشلدر. ادعالينده قانتون محكمه سنك ايراد قيمته ده كيل، ده كر بدلته باقاسي لزومني ايلري سورمشلدر.

قرار:

13 ايلول 924 تاريخنده كي عقد لرضمنته قسماً اولسون تبرع بولونديني تقديرده كري به رد و اعاده مجبوريدر. مدعي عليهلر ايچون فردال محكمه من 15 مارت 928 تاريخنده و برمش بولونديني ايكي قرارداد [Affaires Singnaux c/Jacquier et Braun c/Braun] بر قيربري نك صايش فيثاتي قارشيسنه ده كر قيمتي مي بوقسا ايراد قيمتي مي قويق لازم كلديكي مسئله سني مذاكره و حل ايتمش، ايكنجې شقي اختيار ايله مشدر

قانون مدنيزك 617 نجې ماده سنده - ت، ق. م 595 - قير برلري ميراثچيله ايراد قيمت لرينه كوره تخصيص ايديلير [2] ده نيلمشدر. بوماده بوقيل اراضينك حقيقي قيمت لرينك

[2] بوماده اسويچره قانون مدنيسنده عينا شويلاه در:

(Les immeubles ruraux sont estimés à leur valeur de rendement, les autres à leur valeur vénale.)

بوماده بزده 595 نجې ماده به تقابل ايديوركه عينا شويلاه در: «غير منقول ماللر ميراثجي» تقسيم زماننده كي قيمت لره و يريلير. **ماده 595:** بر كره اصلنده مال ده كيل، يالكز غير منقول موضوع بحث در. غير منقول ده اطلاق اوزرينه ده كيل، غير منقوللارك زراعي قسمي يعني «قير برلري» موضوع بحثدر. **ماده 617:** ايكنجې قسمي بوس بوتون آتلاشم، حكمي حاوي منفي بر تجاوز يا بيلمشدري. ماده نك اصلي سنه لره سورده و دقتله تعقيب ايديلان برچوق تجربه لر و حقوقيلر، اقتصادي اتچيلر، زراعتچيلر

ده کر قیمتی ایله ده کیل، ایراد قیمتله تأسس ایتدیکی متسلسل تجربه لره نابتدر. بونلرک ده کر قیمتی «عمومی صورتده» ایراد قیمتدن برثلک مقداری یو کسک بولونور، أ. ق. م 618، فقره - ۲ : [3]. بو اعتبار ایله درکه، کندیسنه ترکهنک تقسیمی صیراسنده

آراسنده اوزون اوزادی به یورو تولا ن مناقشه لر نتیجه سنده بویه قوشمدر. **دها صوکر** رنجی فقره ده ایراد قیمتی اساس طوقولدیغی حالده بو زده تقسیم زماننده کی قیمته دوشمدر. هانکی قیمت ؟ تحریر قیمتی؟ تقرر ایتدیله جک رقیمتی؟ صاتیش قیمتی؟ ده کری می ؟ بو صورتله مملکتک اراضینسک یعنی مملکتک عموم ثروتک بوزده دوقسان دوقوزخی علاقه دار ایدن بر ماده بوحاله دوشمدر. برقم حکمکر تبدیل وتغیر ایدیش، بر قسمی بوس بوتون اکیسک آلتش، نهایت التباسلره دولو برافاده اولارق تقسیم زماننده کی قیمت تعییننده قرار قیلنمدر. بزده کی ماده یه کوره فده رال محکمه ک بوقراریسه اصل اولق امکافی مسلوب دیمکدر. تمیز محکمه سنک بوجلسه سنه زیست ایدن روسل کندی شرحنده بوماده نک حکمت وضعندن بحث ایده رکن دیر، که: « بو طرز حل زراعی غیر منقوللرک صاتیش قیمتک سنه ک ایراد قیمتک رأس المالله تحویل رایجی ایله ضربندن تحصیل ایده جک حقیق قیمتی آراسنده دا ئما بویوک بر فرق اولدیغی کوستر بر. ینه او میانه بیکلرجه کولینک بورجلی قالی ایچون کیردکاری مدهش جدال وبورجلیری قایاتق ایچون چکدکاری تحملسوز دردلر میدانه در... »

بر طرفدن بو ماده بویه جه صلب واعدام اولونمش، « قیر یرلی » نه عائد یکانه جانی حکمدن قانون مدنی زده اثر براقیلاماش، دیگر طرفدن حقوق اصول محاکمه لری قانونک 561 نجی ماده سنده « زراعت مخصوص محاکمک تخصیصی دعوالری اصولی دأرهنده صلاحیتدار صلح محکمه لرنده اقامه اولونور، دینلنمدر.

مترجم

[3] بو ماده بزده 596 نجی ماده یه تقابل ایدمر، اصلی شودر:

Lorsque les héritiers ne peuvent se mettre d'accord sur le prix d'attribution, il est fixé définitivement par les experts officiels. Si la valeur de rendement n'est pas suffisamment connue, elle est réputée être des $\frac{3}{4}$ de la valeur vénale.

بونلک نرمه سی شودر : میرانجیلر بر غیر منقولک قیمتنده اتفاق ایده مزملر ایسه او قیمت رسمی مختلر طرفندن قطعی رصورتده تثبیت اولونور. ایراد قیمتی کافی درجه ده بیلیمه یورسه، صاتیش قیمتک درنده اویجی اولارق قبول ایدیایر.

بزم قانونه کجی شکل ده شودر : میرانجیلر بر غیر منقولک قیمتنده اتفاق ایده مزملر سه، او قیمت قطعی صورتده رسمی مختلر طرفندن تقدیر اولونور. « بو برکره [قطعی صورتده] تبیری مختلر طرفندن تثبیتده اطلاقده معطوف اولق اوزره التباس براقیلامدر. حال بوکه اصلده بو مختلرک تقدیر سنک قطعیتی افاده ایدیور. **صوکر** اصلک ایکنجی فقره سی تماماً آتلا نمدر.

مترجم

بر قیر غیر منقولی تخصیص ایدیلان میراثی نك عینی تركدن میراث آلان دیگر میراثچیلره
فالق بر حصه آلدینی قبول ایدیله مز .

او میراثی نك یكانه استفاده سی اویری ایلروده محتملاً دهابو كسك بر فیثانه صائمسی
احتمالندن عبارتدر . اویری اون سنه مرورندن اول صامق تقدیرنده بواحتمالی تحقیق ایتدیرمكه
مجبوریت یوقدر، شو قاداركه بواون سنه مدت ظرفنده صایتش وصایتش ضمنده كار
اولورسه صایتش بدلك ایراد قیمتی تجاوز ایتدیكى مقدار اوزرندن دیگر میراثچیلره
حصه وبریر، أ. ق. م. 619 [4] .

أ. ق. م. 608 و 617 - ت. ق. م. 587 و 595 - نجی ماده لرله مورثه وصیتنامه
ویا میراث مقاوله نامه سیله تركدن بر قیر یرینك میراثچیلردن برینه ایراد قیمتی [5]
تخصیص ایتدیرمك حقنی بخش ایدر . بواعتبار ایله بویله برمالك صاحبی ایله دیگر

[4] بوا ماده ده زده بوس بونون کیلمشدر . اصلی ترجمه سی شودر :

Lorsque tout ou partie d'un immeuble attribué à un héritier pour
un prix inférieur à sa valeur vénale est vendu dans les 10 années
à compter du partage, les cohéritiers ont le droit de réclamer leur
quote-part du gain, si ce droit a été annoté au registre foncier lors
du partage .

Ils ne peuvent toutefois rien recevoir au delà de ce qu'ils auraient
obtenu dans le partage si l'immeuble avait été attribué pour un
prix égal à sa valeur vénale .

Les cohéritiers n'ont aucun droit sur la plus-value résultant
d'améliorations, de contributions, de la crue des bois et d'autres
causes semblables .

میراثچیلردن برینه صایتش قیمتك دوننده بر فیثات ایله تخصیص ایدیلان بر غیر منقولك تمامی وبارقسسی
تقسیم تارنخندن اعتباراً اون سنه ظرفنده صایتلیدی قیدرده تقسیم صیراسنده طاو سجلنه بوباده بر
قید دوشورمش اولماری شرطیه مشترك میراثچیلر قازانچدن حصه لرینی طلب ایتك حقنی حائزدرلر . شو قاداركه
غیر منقول صایتش قیمتته مساوی بر فیثانه تخصیص ایدیلش ایسه تقسیمده آلا سیله جکرلندن فضله برشی
آلامازلر . انشا آدن آغاچلرك بویومسندن بونلره مائل دیگر شیلردن حصوله كان قیمت
فضله سی اوزرنده دیگر میراثچیلرك بر حق یوقدر .

مترجم

مترجم

[5] زده بو آتلامشدر .

میراثچلردن بری آراسنده ایراد قیمتی ایله یاپیلان صایتش معامله سنده قسماً بر تبرعک وجودی فرض اولونماز. ائمدی دعوا اورتاقلق اراضی حقنده هیئت مجموعه سیله غیروارد عد اولونور .

موسا اراضینه کلیمه :

بویابده رد واعاده بی مستلزم تبرعک وجودی قبول ایتمک ایچون بوقیر یرینک صایتش فیثائی ایله ایراد قیمتی آراسنده نسبتسزک بولونمق لازم کلیر. حادثه کی منافع نسبتاً اهمیتسز برفرق ا. ق. م. 626 نک استلزام ایتمکی آفاقی عنصری تأسیسه کفایت ایتمز. — ذکری سبق ایدن Braun قراری. —

اهل وقوفک تقدیرینه کوره، حادثه ایکی طرف عوضلری آراسنده کی فرق 53250 فراقده 8250 فرانغه منجر اولمقده در. بویابده قانتون محکمه سی اراضینک ایشله تیلیمه سینه یابانجی اولان اوچنچ شخصک فکرسنه، شرف وحیثیتی ودوغرولنی واختصاصی سوز کوتورمه مکده اولان بالذات مورثک فکری ایله قارشو قویمشدر. اهل وقوف تقدیری چوق مهم اولمقله برابر، نهایت برشوت واسطه سی در؛ حاکم، اساسی فعلی ویا حقوقی سبیلرله بوکا تبعیت ایتمه یه بیلیر [6].

ایمدی قانتون محکمه سی صلاحیتی داخلنده اولارق دلیل عناصرینک هیئت مجموعه سی تقدیر وقانونی برشکلده قناعتی تثبیت ایدوب حقوقه تجاوز تشکیل، ائتمکسزین موسا اراضینک 1924 ده کی ایراد قیمتی، کوچوک برفرقدن قطع النظر، مذکور مبلغ ایله مطابق کورمشدر. بوسورت تثبیت موضوع بحث اراضینک اعاده یه تابع بر تبرعله صایتلیمش عد ایدیلیمه سینه مساعد ده کیلدر .

آنف البیان اسبابه بناءً فده رال محکمه، تمیز دعوا سنک ردینه وقانتون محکمه سی حکمنک تصدیقه قرار ویریر .

ناقلی : هیدر رفعت

[6] ت. ح. ا. م. ق. 286. — اهل وقوفک رأی ومطالعہ لری حاکی تقید ایتمز .

محکمہ تمیز برنجی حقونہ دائرہ سندھ:

مقدمہ: یکی قانون تجارتک نشردن اول وقوعبولان تجاری مقاولانک انعقادی وتمامیتی حقندہ اسکی قانون احکامانک تطبیق لازم بونک خلافتہ ویریل حکم یولسز ومستلزم بقضدر.

عدد : ۳۴۱ اساس ۱۵۶۱ . قرار ۱۶۶۸

استانبولده جاجی باشی خاندنہ یدی نومرودہ شغل زاده برادرلر ولئون عجمیان افندیلز وکیلنک خطاط زاده مفلس احسان بک قبل الافلاس مؤکلریدن اخذ واستقراض ایتمس اولدینی آلتی بیک تورک لیراسنک تأمین استیفاسی ضمنندہ فابریقہ سندنہ موجود آلات وادواتی مستعار صورتیلہ ترهین وبعد الافلاس ماصہ سندکیری تحقیق دیون صبرہ سندنہ مبلغ مذکور ی ممتاز اولهرق قید وقبول ایلد کدن صوکرہ بالاخرہ واقع اعتراض اوزرینہ عادیاً قبولنہ قرار ویرلش وبو قرار ایسہ مخالف قانون بولنش اولدیفندن مبلغ مذکورک ممتاز اولهرك دفتر دیونہ قیدی طلیله احسان بک سندیکیری اونیک افتیان ووهی بکمر علیهنہ اقامہ ایلدیکی دعوا دن طولانی اجرا قیلنان عا که نتیجه سندنہ علی احسان بک ۱۲ تموز ۹۲۷ تاریخندہ افلاسنہ قرار ویرلدیکی دوسیه محتویاتیلہ ثابت اولسنہ وکذلک ماصہ طرفندن ابتداءً مطلوب مذکورک ممتازاً قبولی اجرا ایدنش ایکن ژوز قومیسرک عدم تصویبی حسبیلہ بالاخرہ عادیاً قبولی جهتنہ کیدلیدیکی دخی مذکور افلاس دوسیه سندن آکلاشیلیمسنہ ولدی التدقیق موضوع بحث رهین مقاوله سنک ۳۰ ایلول ۹۲۶ تاریخندہ تنظیم ۲ کانون اول ۹۲۶ تاریخندہ کاتب عدلده تصدیقی قطعاسی اکل ایلدیکی مشاهدہ قیلیمسنہ وفقط مال مرهونک راهین یدندہ قالدینی متن سنددن آکلاشیلیمسنہ وهر نقدر تجارت قانونک تطبیق حقندہ کی قانونک ماده مخصوصه سندنہ عقودک تمامیت وانعقادی خصوصندہ اسکی تجارت قانونک تطبیق ایدیلہ چکی حقندہ صراحت موجود ایسده بوکی رهن معاملاتنہ مابہ التطبيق اولان قانون مدینک تطبیق حقندہ کی قانونک اوتوز دردنجی ماده سندنہ هر حالده قانون سابق زمانندہ پایلان بوکی مقاولانک قانون حاضرہ توفیقاً مراسمنک اکلای امر ایدلمسنہ وقانون مدینک ۸۵۳ نجی ماده سندنہ رهنک تمامیتی ایچون مرهونک مرتهنہ تسلیمی مقتضی بولماسنہ بناءً وارد کوریلہ میان دعوا سنک ردینہ متدائر استانبول محکمہ اصلیه ایکنجی تجارت دائره سندن صادر اولان ۱۶ کانون ثانی ۹۲۸ تاریخ و ۲۲ نومرولی اعلامک ایضاحات شفاهیه لرینک اخذی صورتیلہ تمیزاً تدقیق

شغل زاده برادرلر ولئون عجمیان افندیلر و کیلی طرفندن طلب واستدعا اولمغله یوم معینه مستدعی تمیز شغل زاده برادرلر ولئون عجمیان افندی نامه اوراق میانده موجود وکالتنامه سنه استقداً وکیللری آووقات خالد بک دائرہ کلوب میز علیہ افلاس ماضی سندیگری تبلیغات قانونیہ رغماً کمدکاری کی وکیل قانونی دخی کوندر مدکلرندن غیابرنده تدقیقات تمیزہ اجراسنه مبادرت اولنهرق استدعائک مدت قانونیہ سی ظرفده اعطا قیلندیقی بالتدقیق اکلاشیلمغله بالقبول حاضر بولان میزلر وکیلک لایحه سی مندرجاته دائر ایضاحات شفاهیہ سی استماع ایدلمس ووقتک عدم مساعدہ سنه بناءً تدقیقات لازمه اجراسیله اتخاذ اوله حق قرارک تفهیمی کیفیتک ۷ نیسان ۹۲۸ تاریخه مصادف جمعہ ایرتسنه تعلیقنه قرار ورلمشدی . یوم اخیرده بوباده کی اوراق دعوی و تمیزہ سراپا تدقیق ومطالعه ایدلدکن صوکره ایجاب کیفیت مذاکره اولندوقده : یکی قانون تجارتک نشرندن اول وقوعبولان تجاری مقاوله نک انعقادی وتمامیتی حقنده اسکی قانون احکامک تطبیق ایدیله چکی یکی قانون تجارتک تطبیق حقنده کی قانونک اونجی ماده سنده مصرح اولسنه ودعوانک موضوعی تشکیل ایدن رهن مقاوله سی ایسه یکی قانون تجارتک موقع مرعیته وضعندن اول عقد ایدلمس اولسنه نظراً عقد مذکورک تمامیته تعلق ایدن قبض مسئلہ سنک بوماده موجبجه تاریخ حادثه مرعی مجله احکامه تطبیق مقتضی بولمسنه و مجله احکامجه رهنک رهن طرفندن مرتهنه تسلیمندن صوکره مرتهنک رهنی رانه اعاده ایتمی جائز وبوصورنده دخی مرتهنک مرهون اوزرنده کی حق محفوظ اولسنه و کرچه قانون مدینک صورت مرعیت وشکل تطبیق حقنده کی قانونک اوتوز اوچنجی ماده سنده مرعیت تاریخندن اول موجود وبشقه شکلدرده مؤسس مقول مال رهنلری آله حق معجل ایسه قانون مدینک مرعیتی تاریخندن ومعجل دکل ایسه معجلیت کسب ایتدیکی تاریخندن اعتباراً باشلايه جفی محرر ایسه ده مقاوله نامه مأثنه نظراً اون اوچ آی مدتلہ مؤجل اولدیجی آکلاشیلان مدعا به آلاچنک مدیون مومی الیهک افلاسنه قرار ویرلدیکی تاریخده قانوناً معجلیت کسب ایتمش وقرار تاریخندن تاریخ دعوا به قدر آلتی آی کچمه مش اولسی حبسیله آلات وادوات مذکورہ نک مجله حکمنجه رهنیتی باقی وشو حالده مرتهن وداین مومی الیهک آله جفی بورهندن ممتازاً استیفایه صلاحیتی درکار بولنش اولسنه مبنی محکمہ جه مارالذکر احکام سابقه ولاحقہ قانونیہ نظر اعتباره آلمسی لازم کلیر ایکن احکام مذکورہ درپیش ایدلمیه رک بوجه محرر قرار اعطاسی مخالف قانون واعتراضات تمیزہ

باعتبارله وارد بولنش اولديغندن حقوق اصول محاکمه لری قانوننك ۴۲۸ نجی ماده سی موجبجه حکم میز بهك اسباب مذکوردهن طولای نقضه و کیفیك یکیدن بالرؤیه اعلامه ربطی ضمیمه اوراقل محله اعاده سنه و بوجه زیر مصارف تمیزیه نك ایلروده حقسنر چیقه حق طرفه طأدیتنه ۲ نیسان ۹۲۸ تاریخنده متفقاً قرار ویرلدی.

محکمه تمیز برنجی جزا دائره سندنه :

عدد

5466 اساس

5443 قرار

صلح جزا محکمه لرنده تحدث ایده جك تصحیح سن معاملاتنده نفوس مأموریه مدعی عمومی دعوت اولتوری شکنده واقع برسواله جواباً مدرس محترم آووقات جودت فرید بك افندی طرفندن آغستوس نسخه نرك 825 نومرولو صحیفه سنده محرر جواب لرنده كرك آغیر جزا واصلیه و كرك صلح محکمه لرنده نفوس مأمورینك حضوری مشروط اولمادینی مطالعه قلمش ایدی. جزا محکمه لرنده تصحیح سنه متدائر معاملات و تحقیقاتده نفوس مأمورلرینك حاضر بولندیرلما لری مستلزم نقض اولدیغنی مبین و محکمه تمیزك بوبلده کی اجتہادی معائن العزیزدن کوندیریلن برقطه اعلامی عیناً آشاغی به درج ایدوروز :

العزیز آغیر جزا محکمه سنندن صادر اولان حکمی حاوی 31 آغستوس 927 تاریخ و 107 نومرولو ضبطنامه ایله اوراق متفرعه سی باش مدعی عمومیلک مأموریت علیهنك 15 تشرین اول 927 تاریخ و 5296 نومرولو تبلیغنامه سیله تاریخ مذکورده محکمه تمیز برنجی جزا دائره سنه کوندیرلکله مطالعه اولندی .

مذکور ضبطنامه نك مالی : 341 سنه سی ظرفنده کالیهنك کومیکان قریه سی جوارنده خیمه نشین چار سنجاغك چله دور قریه سنندن محمد اوغلی عمرک کریمه سی فاطمه بی جبراً قاجیرمق و بکرینی ازاله ایلکک تثبث ایلمك و افعال مذکورده بی حصوله کتیرمکک موفق اوله میهرق تثبث و اقلک عقیم قاللسنندن دولای مزبورده فیلینك نشانلیسی حاجی بی قتل ایتمك ماده سنندن متهم و غیاباً محکوم ایکن اخیراً تحت توقیفه آلمش اولان قریه مذکورده بکر اوغلی خضرک جریان ایدن محاکمه سی نتیجه سنده متهم مرقوم خضرک حین استجوابنده اون بش یاشنده اولدیغنی سوبله سنه و نفوس قیدنده اوچیز یکریمی آلتی تولدی بولمسنه و ناصیه حالی مرقومك افاده سیله قید رسمی بی تکذیب ایلسنه مبنی حقوق عمومیه نامنه

وقوعبولان طلبه ساء مرقومك اوچيوز يكرى اوچ تولدلى اولقى اوزره تصحيح سنه و مرقومك عموجهسى قىزى بولان فىلى نام ديكرى كوللىك مقتول حاجى به نشانلانسنه راضى اولمىرق و مزبورهى جبراً و مسلحاً قاچيره دق بكرى ازاله ايلكه تشبث ايلدىكى صيرده مزبورهك قان والدهسى و مقتول حاجىك والدهسى اليف طرفندن وقوعبولان فرياد اوزرينه يتيشيلهرك الدن آلمسندن حاصل ايتدىكى تهور نيجهسى مزبوره فىلىك نشانلىسى حاجى بى قتل و مزبوره فىلى بى قاچيردىنى والدن آلدنىنى اشاده مقتول حاجىك والدهسى اليفنى تفنك دىچيكيله باشندن جرح و مزبوره ايله برى معاونت وقعه به شتاب ايدنلره قارشو اخافه قصديله سلاح استعمال ايلدىكى اصولاً ثابت اولديغندن جرائم سائره سنك سبب شدت عديله حاجىك تهوراً قتلندن مجريته و تاريخ ايقاع جرمه نظراً لهنده بولان اسكى جزا قانونك يوز يتمش دردنجى مادهسى موجبجه معين اولان اون بش سنه كورك جزاسنك حين ايقاع جرمده اون سكز ياشى اكال ايتامسى حسييله كذلك لهنده بولان قانون مذ كورك قرقنجى ماده سنك فقره معدله سنه توفيقاً و موجود اسباب مشدده به بناء نصفى بالتزويل يدى بحق سنه اصلاح نفس ايچون حبسنه و جاهاً حكم و قرار و يرلديكى ناطقدر .

سالف الذ كر تبليغنامه ده ؛ مظهرن عليك تصحيح سنه متعلق تحقيقاته نفوس مديرىك حاضر بولنديرلماسى يولسز اولديغندن حكم مذ كورك نقضى طلب ايدلمشدر .
تدقيقات تميزيه بالا جرا ايجابى مذا كره اولندقدده : تبليغنامه ده سرد اولان مطالعه مندرجات ضبطنامه به نظراً وارد و حكمه مؤثر و مستلزم نقض اولدينى كى تصحيح سن ذات دعوان خارج و اصول مخصوصه سنه تابع بولندينى حاليه اساس دعوى حقنده كى محاكمهك ختامى تفهيم اولندقدن صكره مجريت قراريله برلكده تصحيح سن وقيدده قرار و يرلش اولمىده اصوله منافى و مستوجب نقض كورلمش اولديغندن حكم مذ كورك مبحوث عنه اسبابدن ناشى اصول محاكمات جزائيه قانونك 114 نجى مادهسى موجبجه نقضه و احكام قانونيه دائره سنده ايشاى معامله اولنقى اوزره اوراقل محله اعاده سنه و درتيوز غروش نقض خرجىك ايلروده حقسز چيقه جق طرفدن تحصيله 6 تشرى اول 1927 تاريخنده متفقاً قرار و يرلدى .

محکمہ تمیز تجارت دائرہ سندھ :

عدد : ۴۶۸ . ۱۹۲ اساس . ۴۷۷ قرار

موضوع : ۱ - دعوی ضایع ایدلیکی ادعا ایدیلن چک ابطالہ متناظر اولدیفندن تجارت قانونک ۶۳۸ الی ۶۴۱ نجی مادہ لرنده محرر احکام دائرہ سندھ تحریری اخطارات و اصولاً اعلانات بالیسی لازمدر .

۲ - محکمہ ک صلاحیتی حقنہ بر اعتراض موجود دکل ایکن رأساً نظر دقتہ آلمسی .

۳ - صلاحیت اختلافنک آنجق تورکیا محکمہ لری آراسنده جریان ایدہ یلہ چکنک نظر دقتہ آلماسی یولسر ومستلزم نقضدر .

موکلہ سی مادام ماری پروتوباپانک عثمانی بانکہ سی غلطہ شعبہ سندن اشترا ایدلیکی لوندرہ اوزرینہ کشیده ایدلمش الی انکلیز لیراسنی محتوی چکی ضایع ایتدیکنندن مذکور چکک ابطالیلہ بدلنک باقہدن تحصیلنک تحت حکمہ آلمسی طلبہ دائر وکیلی قالدودی لاسقاربیدیس افندی طرفندن قامہ اولنان دعوانک و جاہاً اجرا قلنان محاکمہ سی نتیجہ سنده تفصیلاتی ضبطنامہ ده محرر اولدیفنی اوزرہ تجارت برہ قانونک ۶۳۸ نجی مادہ سنده سندنک ضیاعی حالندہ ابطال سند دعواسنک سندنک تأدیہ اولنہ جفی محلہ کی دعاوی تجاریہ بی رؤیتلہ مکلف اولان محکمہ طرفندن فصل ورؤیت اولنہ یلہ چکی مصرح اولسنہ وضایع اولدیفنی ادعا قلنان چکک لوندرہ اوزرینہ کشیده ایدلیکنندہ طرفین متفق بولمنسہ بناء رؤیت دعواہ محکمہ نک ده صلاحیتدار اولمادیقہ دائر استانبول ایکنجی تجارت محکمہ سندن صادر اولان ۵ تشرین اول ۹۲۷ تاریخ و ۱۲۰۹ نومرولو اعلامک مدت قانونیہ سی ظرفدہ تمیزاً تدقیق وکیل مومی الیہ طرفندن با استدعانامہ طلب ایدلمش اولغلہ بالقبول اعلام ممیزہ لایحہ تمیزہ واوراق متفرعہ سی ایلہ برلکده بعدالمطالعہ ایجاب کیفیت مذاکرہ اولندقدہ : دعوی ضایع ایدلیکی ادعا ایدیلن چکک ابطالہ متناظر اولسنہ کورہ مدعیہدن چکک صورتی ویا اساس محتویاتی طلب و علی الخصوص مخاطبک کیم اولدیفنی تصریح ایتدیرلکدن سوکرہ کشیده جینک حضورینہ احتیاج کوسترمکسزین تجارت قانونک ۶۳۸ الی ۶۴۱ نجی مادہ لرنده محرر احکام دائرہ سندھ لازم کلنلرہ تحریری اخطارات و اصولاً اعلانات اجراسی ایلہ نتیجہ یہ ربط اولنقی لازمہدن و محکمہ نک عدم صلاحیتی حقنہ بر اعتراض موجود دکل ایکن و صلاحیت اختلافنک آنجق تورکیہ

محکمه لری آره سنده جریان ایدیه بیله چکی نظر دفته آلمیه رق رد دعوا به قرار ویرلسی مخالف قانون و تمیزاً سرد ایدیلن اعتراض بو طریقله وارد بولندیغندن حکم تمیز بهک بو سبیدن ناشی حقوق اصول محاکمه لری قانونسک ۴۲۸ نجی ماده سه توفیقاً نقضه و اصول مذکورک ۴۲۹ نجی ماده سی موجبجه کیفیتک نقض واقع دائره سنده یکیدن بالرؤیه حکمه ربطنه وزیرده مفردانی مرقم مصارف تمیزیه نک ایلروده حق سر چیه حق طرفه عایدته ۳ تموز ۹۲۸ تاریخنده اکثریتله قرار ویریلرک اوراق وارده مع تفرعات محله اعاده قلندی .

محکمہ تمیز حقوق دائره سنده:

1229 اساس، 3248 قرار

مهر ص: اجنبیلرک غیر منقولانده ثبوت وراثتی خصوصنده تورک تبعی مثلاً معامله افاقی لازم کایر.

پریکلی و سائر ایله اوقاف میانه لرنده متحدث معلوم الموقع والحدود عقاراته منع مداخله و استرداد اجرت دعواسندن دولایی توحیداً اجرا قلنان محاکمه نتیجه سنده؛ استانبول محکمه اصلیه ایکنجی حقوق دائره سندن صادر اولان 26 تشرین ثانی 927 تاریخلی و 500 نومرولو اعلامک تمیزاً تدقیقی مومی الیهمدن پریکلی افندیدن ماعداسی طرفندن مدت قانونیه سی ظرفنده باعرضحال استدعا قلنمغله مذکور اعلام اوراق تمیزیه و حکمیه ایله معاً تدقیق و مطالعه و ایجابی مذاکره اولندقد: لایحه تمیزیه ده حصه دارلردن پریکلی افندیکن بر حیات اولدینی جهتله دیگر اعضای عائله نک جمله سنک بلا وارث وفات ایتمش اولدقلری فرض ایدلسه بیله محلولیت متصور اوله میه جغندن مجموع عقاره واقع مداخله نک منعه حکم ایدلسی لازم کلیرکن حکمک یالکز پریکلی حصه سه حصه ایدلسی و دیگر ورثه نک حقوق ارثیه سی غیر مثبت فرض اولنسه دخی قانون مدینک آلتی یوز یکرمی بشنجی ماده سی حکمنجه قانون ایله بر شیه مشترکاً مالک اولان کیسه لر دن هر برینک حق اولان شینک تمامه ساری اولاجنی عندالحاکمه شفاهاً و تحریراً محکمه به عرض اولنشکن محکمه جه اساسه مؤثر اولان بو جهتک مسکوت عنه بر اقلیماسی و پریکلیدن ماعدا دیگر مدعیلرک وراثتیرینی اثبات ضمننده ابراز ایدیلان اوراق ثبوت

وراثه کافی واحكام معاهدهیه موافق بولدینی خالد محكمه جه قبول ایدلیهرك رد اولونماسی مخالف قانون اولدیغندن بالبحث اعلام میز بهك پریكلی به عائد اولان قسمندن ماعدا جهات سائرهنك نقضی طلب اولونمش ایسه ده برنجی وایکنجی اعتراض پریكلی طرفندن تمیز دعوی ایدلیجی صورتده تدقیقی ایجاب ایدن مسائلدن اولوب حالوکه تمیز استدعا نامه سنده یازلدینی وجهله پریكلی به عائد حکمك تمیزی طلب ایدلیهرك دیگر مدعیله عائد دعوانك ردینه دائر ویریلن قرارك تمیزی استدعا ایدلمش بولنسنه و دیگر مدعیلرک میرانجی اولدقلرینك اثباتی صدندده ابراز ایدیلن اوراق ثبوت وراثه کافی اولمامقله برابر تمیز عرضحالنده استناد ایدیلن لوزان معاهده سنك اقامت وصلاحیت عدلیه به متعلق قسمتك اون آلتنجی ماده سی احکامی اموال غیر منقولهنك توارثه متعلق مسائله شامل بولنماسنه مبنی اعتراضات مبسوطه غیر وارد و پریکلیدن ماعدا مدعیلر حقنده صادر اولان حکم تمیز به اصول وقانونه موافق بولنمش اولدیغندن اعتراضات مس ودهنك ردیله حکم مذکورك تصدیقه وبروجه زیر مصارف تمیزی بهنك مستدعی تمیزه عایدقته 8 ایلول 928 تاریخده متفقاً قرار ایرلدی .

محکمہ تمیز حقوق دائره سنده :

۱۲۳۳ اساس

۱۳۶۱ قرار

مهمه : لوزان عهدنامه سنه مربوط دردنجی پروتوقولك اون آلتنجی ماده سی حکمنه نظراً برانجینك ورهنسندن یالکز برسنك ویرمش اولدینی بیاننامه کفایت ایتیوب ورهنك جله سنك برلکده تورک محاکمك قضاسنه رضا وموافقترینی بیان ایللری ایجاب ایدر. خلافتیه قرار ویرلسی یولسز ونقضی مستلزمدر، یورکی ولد متوفی آپوستول ایله عزت وراسم بکلر میاه لرنده متوفای مرقومك وراثتندن متحدث دعوايه دائر استانبول آلتنجی حقوق محكمه اصلیه سنندن صادر اولان 27 کانون اول 341 تاریخ و 1332 دوسیه نومروده محرر اعلامك مدت قانونیه سی ظرفنده و شرائط لازمه دائره سنده تمیزاً تدقیقی مومی الیها عزت وراسم بکلر طرفلرندن

با استدعای نام طلب اولمغله متفقاً بالقبول اعلام میز به طرفینک لوايح مقابلہ لری و سائر اوراق متفرعہ سبلہ بعدالمطالعہ تدقیقات تمیزہ اجرا و ایجابی مذاکرہ اولندقدہ: التنجی محکمہ اصلیه عرض اولنان دعوی یونانی متوقاً آپوستول استادیادینک نسب و وراثتدن عبارت اولسنہ نظراً دعوی مذکورده علاقہدار اولانلر متوفانک و قتلہ ترکہ سنی بینلرندہ اقتسام و قبض ایتمش اولان یونان تبعہ سندن برادرلریلہ همشیرہ لری اولدینی ومدعی علیہای مومی الیہما فی الحال دعوی مقامہ مذکورده برکونا تعلق وعلاقہ لری بولنادینی ولوزان عہدنامہ سنہ مربوط دردنجی پروتوقولک اون آلتنجی مادہ سنک فقرہ اخیرہ سی موجبہ دعوادہ علاقہدار اولانلرک کافہ سی تورک محاکمک قضاسنہ تحریراً راضی اولملری مقتضی وحادثہ مجرد یونانی بولسان مدعی یورکینک اعطا ایلدیکی بیاننامہ غیر کافی بولندینی نظره آلہرق وظیفہ نقطہ سندن دعوی قائمہ نک ردی ایجاب ایدرکن دیگر علاقہدار ورثہ نک تحریری رضا وموفقتلری استحصال ایدلمکسزین مدعی علیہما مومی الیہما قارشو توجه خصوصتک قبولیلہ منوال محرر اوزرہ محاکمہ اجرا وحکم اعطاسی مغایر اصول بولندیغندن محتویات سائرہ سی حقندہ ایجاب بیانہ محل اولیان اعلام میزبہک اصول محاکمہ حقوقیہ قانوننک 232نجی مادہ سی موجبہ بوسیدن ناشی نقصنہ و اصول مذکورک 244نجی مادہ سنہ توفیقاً دعوانک یکیدن بالرؤیہ حکمہ ربطنہ وزرردہ مفرداتی محرر مصارف تمیزہ نک ایلریدہ حقسزچیقہ جق طرفہ عایدتنہ 16 مایس 926 تاریخندہ متفقاً قرار ویریلرک اوراق وارده تفرعانیلہ برلکدہ محلی محکمہ اصلیه سنہ اعادہ قلندی دیو 19 تموز 926 تاریخلی اعلام صورتیدر.

محکمہ تمیز برنجی حقوق دائرہ سندنہ :

- مذکورہ: ۱ — شاهدلردن برینک مدعیہ ایلہ برلکدہ اقامت ایتمی شہادتک استماعنہ مانع تشکیل ایتمز.
۲ — عقد اجارہ نک فسخ و اقالہ سنی متضمن دفعک تدقیق ایدلمہ سی مخالف قانون اولوب قضی مستلزمدر.
استانبولده دیوانخانہ جازہ سندنہ کدک پاشا سوقاغنندہ ۱۸ نومرولی خانہ دہ مقیمہ
مادام اسقوھی نک پانغالیتیدہ ساقی سوقاغنندہ ۱۲ نومرولی خانہ دہ مقیم تجارتدن آرین
عاجیان افدینک خانہ سندنہ ماہیہ سکزلیرا اجرقلہ درت سنہ مستمرراً خدمت ایفا ایلدیکی

شهودك شهادتيله تحقق ايلسنه بناءً ۳۸۴ ليرا اجر مسانك تحصيلي حقنده استحصا
ايلديكي حكم غياينك عندالاعتراض تصديقي متضمن استانبول درديجي حقوق دائره سندن
اعطا قلنان ۴ حزيران ۹۲۷ تاريخ ۱۹۲۲ نومرولى اعلامك تميزاً تدقيق اصولي دائره سنده
مومى اليه آرتين افندي طرفندن طلب واستدعا اولنمغله مذكور اعلام اوراق تميزيه
وحكميه ايله معاً تدقيق ومطالع وياجاب كيفيت مذاكره اولندقده مدعى عليه انساى
محاكمهده شاهدلردن بريك مدعيه ايله برلكده اقامت ايتديكنى ادعا ايتمش ايسهده
شو حال مانع استماع اولماديني كې شهادت واقعهده ثبوت مدعايه كافى درجهده بولمش
اولديغندن بوخصوصاره متعلق اعتراضات غير وارد ايسهده عقداچاره نك فسخ واقاله سنى
متضمن دفع واقعتك تدقيق لزومندن ذهول ايدلمسى مخالف قانون اولديغندن حقوق
اصول محاكمه لرى قانونك ۴۲۸ نجى ماده سى موجبجه حكم تميز بهك نقضه ومقتضاي
قانونيسى ايفا اولنق اوزره اوراقل محله اعاده سنه ومصارف تميزيه نك آتياً حقسر
چيقه جق طرفه عايدته ۱۳ كانون اول ۹۲۷ تاريخنده متفقاً قرار وىرلدى .

محكمه تميز ايلنجى حقوق دائره سنده :

۵۵۱۶ اساس

۴۳۹۹ قرار

مقدمه : قازيك قباحتر اولوق بوشاندينى وبوشانه نتيجه سى اولوق بويوك يوقسوللغه دوشديكى
تحقق ايتديرلمكسزن نفقه اعطاسنه قوجه نك مكلف طوتلى مغاير قانون اولوب نقضى مستلزمدر .
مدعى صبحيه خانم طرفندن مدعى عليه صالح ذكى بك عليه اقامه اولنان تقدير نفقه
دعواسنك اجرا قلنان محاكمه سى نتيجه سنده مدعيه مومى اليها قوجه سى مدعى عليه صالح
ذكى بك طرفندن تطبيق ايدلمش اولدينى مبرز وكيفى كاتب عدللكندن مصدق ۲ حزيران
۹۲۶ تاريخلى طلاقنامه مندرجاتيله ثابت و محاكمه نك غياياً جريان ايتكمده اولماسنه مبنى
قانون مدنك ۱۴۴ نجى ماده سنه توفيقاً مومى اليهانك يوقسوللغه دوشمه مسنى تأميناً
محكمه جه منتخب ارباب وقوفك اخباريله كافى معاونت اولدينى تحقيق ايدن شهرى يكرمى ليرا
معاونت ايله مدعى عليه صالح ذكى بك مكلفيته ومبلغ مزبورك برسنه مدته مدعى عليه دن

تخصیصه دعواچی به ویرلسنه متدائر استانبول برنجی اصلیه حقوق دائره سندن غیاباً صادر اولان ۳۰ نisan ۹۲۷ تاریخ و ۴۸۶ نومرولو اعلامک مدت قانونیه سی ظرفده تمیزاً تدقیق مومی الیه صالح ذکی بک طرفندن با استدعای نامہ طلب اولمقله متفقاً بالقبول اعلام مذکور طرفینک لوائح متقابلہ لری وسائر اوراق متفرعہ سیلہ بعد المطالعہ تدقیقات تمیزیه اجرا و ایجابی مذاکرہ اولندقدہ : مدعی علیہا مزبورہنک حقسنز اولارق بوشاندینی وبوشانمہ نتیجہ سی بویوک یوسفز لہ دوشدیک ی تحقق استیرلمکسزین قانون مدینک ۱۴۴ نجی مادہ سنہ تطبیقاً یازیلی اولدینی وجہلہ حکم ویرلسی مغایر اصول وقانون اولدینندن حکم تمیزیه مذکورک حقوق اصول محاکمہ لری قانونک ۴۲۸ نجی مادہ سی موجبہ نقضندہ اتفاق سببندہ اکثریتلہ وزیردہ محرر مصارف تمیزیه نک ایلریدہ حقسنز چیقہ حق طرفندن اخذینہ ۹ تشرین اول ۹۲۷ تاریخندہ قرار ویریلہ رک محلی محکمہ سنہ اعادہ قلندی .

محکمہ تمیزیه دردنجی حقوق دائره سندنہ :

1068

مذہبہ : ضررمادی به صلح جزا محکمہ سنجه حکم ایدلیدی حالہ محکمہ اصلیه به بوجہ تدقیق ایدلہ رک مدعیہ نک مدت حیاتیہ حصولہ کلہ جک ضرر مادی نک تحت حکمہ آلمسی ایجاب ایدر .

استانبول تراموای شرکتی الیہ ماداموازل ماقرینا ویدہری لبارحات اوغلی میانہ لرندہ متکون دعوايه دائر استانبول محکمہ اصلیه دردنجی حقوق دائره سندن صادر اولان 11 کانون اول 927 تاریخ و 381 نومرولی اعلامک مدت قانونیه سی ظرفده مومی الیہا ماقرینا ویدری لبار حایت اوغلی وکیللری قالدوریدی لاسقاربیدی افندی طرفندن طلب ایدلمکلہ اعلام تمیزیه لایحه تمیزیه وسائرہ اوراق متفرعہ سیلہ برلکدہ بعد المطالعہ تدقیقات تمیزیه اجرا اولوندقدہ صلح جزا اعلامندہ ضرر مادی به حکم ایدلمہ مش و محکمہ به بوجہ تدقیق ایدلہ رک مدعیہ نک مدت حیاتیہ حصولہ کلہ جک ضرر مادی تحت حکمہ آلمق لازم کلس ایکن منوال محرر اوزرہ بیان مطالعہ الیہ اتخاذ قرار اولمسی مخالف قانون اولدینندن حکم تمیزیه ک حقوق اصول محاکمہ لری قانونک درتیوز یکر می سکزنجی مادہ سنہ توفیقاً نقضندہ واوراقل یکیدن بالرؤیہ اعلامہ ربطی ضمئندہ محلہ اعادہ سنہ وبروجہ زیر مصارف تمیزیه نک ایلریدہ حقسنز چیقہ حق طرفہ مانڈیتہ 30 حزیران 928 تاریخندہ متفقاً قرار ویرلیدی .

حکومت تمیز برنجی حقوق دأر سند:

۸۶۴۸
۵۵۲۹

ماده ۱: — قانون مدینک نثرندن صکره اشتراك صورتيله تصرف ایدیلن غیر منقوللرک فراغنده شفیعک علی الاطلاق اشتراك سببيله حق شفعه سنک جریان ایتسی قانون مدینک ۶۵۹ نجی ماده سی مقتضاینددر .

۲ — اثنای محاکمه کړک بدل وکړک مدعینک حق شفعه سنی اسقاط ایلدیکنه دأر مدعی علیه طرفندن برکونا اعتراض سبق ایتمه سنه مبنی اعتراضات تمیزیه غیر وارد در .

استانبولده کوچک بازارده برنومرولی طاشچی مغازه سندده ساکن متقاعدین عسکریه دن نامق بک شفیع بولندینی مبرز طاووسندن آکلایشلان حدود وموقعی معلوم بر باب خاهنک عهده لرنده بولان حصه شایعه لری فاطمه وبهیه خانم طرفندن درتیوز لیرا بدل مقابلنده کړوپه آغایه فراغ ایدلیدیکی بوخصوصه متفرع دوسیه نک جلب وتدقیقندن آکلشلمش اولسنه مبنی بدل فراغ اولان درتیوز لیرا مدعی جانبندن مدعی علیه کړوپه آغایه ویرلک صورتيله محل مذکورک سکر حصه اعتباريله ایکی حصه سنک مدعی نامق بک عهده سنه تصحیح دأر استانبول ایکنجی حقوق دأر سندن صادر اولان ۱۱ تموز ۹۲۷ تاریخ و ۳۱۵ نومرولی اعلامک تمیزاً تدقیقی اصوله توفیقاً مرقوم کړوپه آغا طرفندن استدعا قلنمغله اعلام مذکور اوراق تمیزیه وحکمیه ایله معاً تدقیق ومطالعه وایجاب کیفیت مذاکره اولندقدده : فراغک قانون مدینک مرعیه باشلادینی تاریخندن صکره وقوع بولدینی قیداً تحقق ایتمه وقانون مذکورک ۶۵۹ نجی ماده سندده غیر منقولک نوعی تعیین ایدلمکسزین علی الاطلاق اشتراك سببيله حق شفعه جریان ایده چکی مصرح بولنسنه وبدلکده درتیوز لیرا اولدینی محکمه جه جلب وتدقیق اولسان اوراقندن آکلشلمسنه ومع ذلک اثنای محاکمه کړک بدل وکړک مدعینک حق شفعه سنی اسقاط ایلدیکنه دأر مدعی علیه برکونا اعتراضی سبق ایتمه سنه مبنی اعتراضات تمیزیه شایان التفات اولدیفندن ردیه اصول وقانون اولان حکم تمیزه بک تصدیقنه وبروجه زیر مصارف تمیزیه نک مستدعی تمیزه عانیدته ۸ ایلول ۹۲۷ تاریخنده اکثریتله قرار ویرلدی . ۵ تشرین ثانی ۹۲۷ تاریخ و ۶۱۹۷ عددلی اعلامک صورتیدر .

محکمہ تمیز برنجی حقوہ دائرہ سندھ :

۸۷۴ ، ۸۶۵۱ ، ۳۰۲۰

مقدمہ : الکتریک شرکتی امتیاز مقالہ نامہ سنک ۲۱ نجی مادہ سندھ حکومت ویا شہر امانتک اجراسنہ قرار وپردیکی عملیات نافعہ سائرہ متعلق اعمال الکتریکہ و توزیعات قابولرخی قطع و تعدیلہ مخالفتہ بولونہ میہ جفی مصرح اولسنہ کورہ حادثہ تعدیل مہیندہ اولان نقل مصارفی الکتریک شرکتک بجاری عمومہ شرکتندن ایستہ مکہ حق اولمادیفی تدقیق ایدلمکسزین قرار ویرلسی یولسز و مستلزم نقضدر.

الکتریک شرکتی ایلہ قنالیزاسیون شرکتی میانہ لرنده متکون تضمینات دعواسندن دولابی استانبول محکمہ اصلہ دردنجی حقوق دائرہ سندن اعطا قلان ۲۸ تموز ۹۲۷ تاریخلی و ۲۴۳ نومرولو اعلامک تمیزاً تدقیق مدت قانونیہ سی ظرفندہ مذکور قنالیزاسیون شرکتی وکیلی طرفندن استدعا اولمغلہ اعلام مذکور اوراق تمیزہ و حکمیہ ایلہ معاً تدقیق و مطالعہ و ایجاب کیفیت مذاکرہ اولندقدہ: بجاری عمومہ انشاءات شرطنامہ سنک بشنچی ویکرمی بشنچی مادہ لری احکامنہ نظراً مستدعی تمیز بجاری عمومہ انشاءات شرکتک کندی متعہد لرنہ ایفا ایتدیردیکی انشاءادن متولد مسئولیتک شرکت مذکورہ بہ عائد اولاجنی و عملیات واقعہ نک شرکتہ شہراماتی طرفندن احالہ سی بو عملیاتدن ایلری کلن ضررک تضمینی خصوصندہ شہر امانتک مسئولیتی ایجاب ایتہ میہ جکی جہتلہ خصوصتک شہر امانتہ متوجہ اولدیغہ دائر لایحہ تمیزہ دہ سرد ایدیلن اعتراضات ایلہ حادثہ دعوی الکتریک قابولرینک کجدیکی محلہ بجاری انشاءاتک تصادفی قدرت الکتریکہ بہ ایرات خلل ایلہ مسندن دولابی قابولرک محل آخرہ نقلندن متولد ضررک تضمینہ متدائر اولسی حسبیلہ مواد عادیہ حقوقہ دن اولوب برمعاملہ تجاریہ مہینندہ کوریلہ مدیکنہ مبنی وظیفہ حقندہ کی اعتراض دخی وارد دکلسدہ الکتریک شرکتی امتیاز مقالہ نامہ سنک ۲۱ نجی مادہ سندھ حکومت ویا شہر امانتک اجراسنہ قرار وپردیکی عملیات نافعہ سائرہ متعلق اعمال الکتریک توزیعات قابولرخی قطع ایلہ تعدیلانی استلزام ایدرسہ الکتریک شرکتک برکونا مخالفتہ بولونہ میہ جفی و بویلہ برحال وقوعندہ صاحب امتیاز اولان الکتریک شرکتی نافعہ وکالتنجه ویریلہ جک اوامرہ توفیقاً مقتضی تعدیلانی اجرا ایلہ جکی مصرح بولندیغہ کورہ حادثہ تعدیل مہینندہ اولان نقل مصارفی الکتریک شرکتک بجاری عمومہ شرکتندن ایستہ مکہ حق اولمادیفی تأمل و تدقیق ایدلمکسزین بروجہ محرر قرار اعطاسی مخالف قانون اولدیغندن حقوق اصول محاکمہ لری قانوننک ۴۲۸ نجی مادہ سی موجبنجه حکم میزبہک بوسیدن ناشی نقصنہ و مقتضای قانونیسی ایفا اولنقی اوزرہ اوراق محلہ اعادہ سنہ و بروجہ زیر مصارف تمیزہ نک ایلرودہ حقسز چیقہ جق طرفہ طأدیتہ ۱۵ شباط ۹۲۸ تاریخندہ متفقاً قرار ویرلدی .

محکمہ تمیز برنجی حقوق دائرہ سندھ :

- مذہبہ: ۱** — کیفیت استملا کہ اعتراض ایدلہ کی حالدہ اور افک ثبوت استملا کہ کافی اولامسی اسبابنک فقرہ حکمیہ ارانہ ایدلامسی
- ۲ — اجر مثل حقہ شہادت لری مدار حکم عد اولنان شاہد لک اشغالک ہانکی آی وکوندہ وقوعی بیان ایدہ مدکلری حالدہ بوجہ تکر نظر دقتہ التامسی
- ۳ — مدعاہ عرصہ نک مقاطعہ مہربوط اوقافدن بولندی طابو سجدہ مقید اولدیغہ کورہ اجر مثل لازم کلوب کلیہ جکنک تأمل ایدلمسی یولسز ومستلزم نقضدر.

یورکی قالفہ نک باطابو عہدہ تصرفندہ بولنان موقع لری معلوم ایکی قطعہ عرصہ نک اوچیوز یکر می طقوز سنہ سی مایسندنبری اطفال خستہ خانہ سی طرفندن اشغال ایدلہ کی ثابت اولدیغندن اہل وقوف طرفندن تقدیر اولنان بیک درتیوز اون لیرا اجر مثلك شغلہ اضافہ خزینہ مالیہ دن تحصیلہ و مداخلہ واقعہ نک منعہ دائر استانبول محکمہ اصلہ دردنجی حقوق دائرہ سندن صادر اولان ۲۷ تشرین ثانی ۹۲۷ تاریخلی و ۳۶۷ نومروئو اعلامک ایضاحات شفایہ لری نک اخذی صورتیہ تمیزاً تدقیق استانبول ولایتی دفتر دارلغندن طلب اولمغلہ یوم معیندہ میز علیہ یورکی قالفہ نامہ اوراق میانسندہ موجود وکالتنامہ استناداً اووقات عزت بک دائرہ کلش ایسہہ تبلیغات واقعہ رغما میز استانبول دفتر دارلغنی تمثیلاً کیمسہ کلدیکی آکلاشلیمغلہ بونک غایبندہ تدقیقاتہ استدارلہ مدت تمیز حقندہ بر دیہ جکی اولدیغنی میز علیہ وکیلی لدی السوال افادہ الیش و بالتدقیق تمیز استدعاسنک مدت قانونیہ ظرفندہ ویرلدیکی آکلاشلش اولمغلہ میز علیہ وکیلک لایحہ جوابیہ سی مندرجاتہ دائر ایضاحات شفایہ سی استماع اولدقدن واوراق دعوی و تمیزہ سراپا و مطالعہ و تدقیق ایدلکدن صکرہ ایجاب کیفیت مذاکرہ اولندقدہ . خلاصہ لری محاکمہ ضبطنامہ سندہ مندرج اوراق استملا کیدہ مذکور عرصہ نک مجلس ادارہ ولایتدن ویریلن منفعت عمومیہ قرارینہ استناداً شہر اماتی طرفندن بدل معلوم مقابلندہ استملاک و کیفیت استملاک مومی الیہ یورکی قالفہ اخبار ایدلہ کی بیان ایدلش و یورکی قالفہ طرفندن بدل مذکورہ اعتراض اولمش اولدیغنی حالدہ محکمہ جہ اوراق مباحوث عنہانک ثبوت استملا کہ کافی اولامسی اسبابنک فقرہ حکمیہ ارانہ ایدلمسی واجر مثل حقندہ شہادت لری مدار حکم عد اولنان ایکی شاہد اشغالک اوچیوز یکر می دو قوز سنہ سنک ہانکی آی وکوندہ وقوعی بیان ایدہ مدکلری و استانبول ولایتی وکیلی طرفندن معاملہ استملا کیہ نک اوچیوز یکر می طقوز سنہ سندہ وقوع بولدیغنک افادہ ایدلمسی اشغالک زمان وقوعی تعینہ کافی اولدیغنی حالدہ محکمہ جہ بوجہ تکر نظر دقتہ

آلماسی ومدعا به عرصه نك مقاطعه به مربوط اوقافدن اولديغى طاپوسجلىده مقيد اولديغنه كوره اجر مثل لازم كلوب كليجكك دخى تأمل ايدلمه سى مخالف قانون و اعتراضات تميز به بواعبارله وارد بولنش اولديغندن حقوق اصول محاكمه لرى قانونك ۴۲۸ نجى ماده سى موجبجه حكم ميز بهك اسباب محرره دن ناشى نقصنه و مقتضاى قانونيسى ايفا ايدلك اوزره اوراقل محلنه اعاده سنه وبروجه زير مصارف تميز به نك آتيا حقسز چيقه جق طرفه هائدينه ۷ نيسان ۹۲۸ تاريخنده متفقاً قرار ويريلاهرك حاضر بولنان ميز عليه و كيلنه اصولى دائره سنده تفهيم قلندى . ۳ تموز ۹۲۸

محكمه تميز دردنجى حقوق دائره سنده :

2600

1367

مقدمه : مدعى جزا محكمه سنده برائت ايتش وبورجلر قانونى موجبجه برائت قراريله حقوق حاكمه لرى مقيد بولنامش اولسنه كوره حادثه نك حقوق محكمه سنده رؤيت وتدقيق ايله نتيجه سنه كوره برقرار ويرلسى لازم كايير. خلافتده حكم ويرلسى بولسز ومستلزم نقصدر.

استانبول واردات مخصوصه اداره سيله موسيو رزى ويتال ميانه لرنده متكون دعوايه دائر استانبول محكمه اصليه دردنجى حقوق دائره سندن صادر اولان 14 نيسان 928 تاريخ ⁶⁵¹/₇₇₇ نومرولو اعلامك تميزاً تدقيقى مدت قانونيه سى ظرفنده مسكرات انحصار مديريت و كيلي حسنى نورى بك طرفندن با استدعا طلب اولمغله بالقبول تدقيقات تميز به اجرا وايجاب كيفيت مذاكره اولدوقده مدعى جزا محكمه سنده برائت ايتش وبورجلر قانونك اللى اوچنجى ماده سنده برائت قراريله حقوق حاكمه لرنك مقيد اولماديني مصرح اولماسنه ومدعى عليه اداره انحصار به جزا محكمه سنده يكيدين دعوايه امكان قانونى قلاماسنه بناءً محكمه به حادثه نك رؤيت وتدقيق ايديلهرك نتيجه سنه كوره برقرار اتخاذاى لازم كليركن منوال محرر اوزره قرار ويرلسى مخالف قانون اولديغندن حكم ميز بهك حقوق اصول محاكمه لرى قانونك 428 نجى ماده سى موجبجه نقصنه ونقض واقع دائره سنده يكيدين بالرؤيه حكمه ربطى ضميمده اوراقل اعاده سنه وبروجه زير مصارف تميز به نك ايلريده حقسز چيقه جق طرفه هائدينه 15 تموز 928 تاريخنده اكثر يتله قرار ويرلدى.

محکمہ تمیز برنجی حقوق دائرہ سندھ :

3387

مزمومہ : مدعینک تارلا دیکٹلری تطہیر و ونطس ایتمسی وسورکو سورمہسی کبی عملیات احضاریہک مدت اجارہدن مدعی علیہک تحت اشغالندہ بولونمادیفی سنین آئیہدہ انتفاعنی تأمینہ خادم اولوب اولامیہجنگ اہل وقوفدن تحقیقلہ مصارفنک آکا کورہ تحت حکمہ آلمسی لازم کلیر . بوجہتک تحقیق ایدنامسی بولنز ومستلزم نقضدر .

غلطہدہ کمرک قارشیسندہ قاولہ توتون دپوسندہ مقیم طاہر اغا ایلہ طوزلہدہ مقیم محمد غالب بک میانہلرندہ تمدت ایدن فضولی تارلا اشغالی دعواسنہ دائر استانبول دردنچی حقوق محکمہسندن صادر اولان 22 مایس 927 تاریخ و 184 نومرولیاعلامک تمیزا تدقیق مومیالیہطاہر اغا طرفندن مدت قانونیہسی ظرفندہ طلب واستدہاولونمغلہ اعلام مذکور اوراق تمیزیہ وحکمہ ایلہ معا تدقیق ومطالعہ وایجاب کیفیت مذاکرہ اولندقدہ مدعی محمد غالب بکک مذکور تارلانک دیکٹلری تطہیر و ونطس ایتمسی وسورکو سورمہسی کبی عملیات احضاریہک مدت اجارہدن مدعی علیہک تحت اشغالندہ بولونمدیفی سنین آئیہدہ انتفاعنی تأمینہ خادم اولوب اولامیہجنگ اہل وقوفدن تحقیقلہ مصارفنک آکا کورہ تحت حکمہ آلمسی لازم کلیرکن بوجہت تحقیق ایدلمکسزین وجہ محرر اوزرہ حکم ورلمہسی مخالف قانون ولایحۃ تمیزیہدہ بونقطہیہ معطوف اولارق سرد ایدیلن اعتراض وارد بولونمیش اولدیغندن حکم ممیزبہک حقوق اصول محاکمہلری قانوننک 428 نجی مادہسی موجبہ نقضہ وکیفیتک نقض واقع دائرہسندہ بالرؤیہاعلامہ ربطی ضمیمندہ اوراقک محلی محکمہسنہ اعادہسنہ وبروجہزیر مصارف تمیزیہنک آتیا حقسز چیقہجق طرفہ عائدیتہ 3 نیشان 928 تاریخندہ متفقاً قرار ویرلدی .

محکمہ تمیز برنجی حقوق دائرہ سندھ :

۱۲۱۳ . ۲۴۰۰

مزمومہ : ۱ — علامت فارقہ نظامنامہسندہکی ضرردن مقصد ضرر مادی اولوب کاردن محرومیت وسرمایہ ایچون فاضلر ضرر مادیدن معدود دکادر .
۲ — اموالک مدعی علیہلر طرفندن توقیف ایتدیرلسندن طولانی فضلہ دپو کیراسی ویرلش ایسہ بونک مدعی علیہلر دن تحصیلی مقتضیدر .

استانبولہ مار بوجیلرلرہ چارشولی خان قارشوسندہ ۲۲-۲۵ نومرودہ مقیم اورام ونسیم افندیلرلہ استانبولہ تحتہ قلعدہ دار خانہ ۸ نومرودہ مقیم امیل دار وریشاردار افندیلر میانہلرندہ متکون دعوادن دولای استانبول محکمہ اصلہ دردنچی حقوق دائرہسندن صادر اولان ۶ اگستوس ۹۲۷ تاریخ و ۲۵۴ نومرولیاعلامک نقضی حقندہ محکمہ تمیز برنجی حقوق دائرہسنبہ متخذ قراری حاوی ۵ کانون نانی ۹۲۸ تاریخ و ۱۴۳۹ نومرولو

اعلامه قارشو مومی الیہما اورام ونسیم افندیلر وکیلی سعدالدین فرید بک طرفندن تصحیح قرار طلب ایدلمکله تدقیقات تمیزیه اجرا وایجاب کیفیت مذاکره اولندقدہ : علامت فارقه نظامنامه سندہ کی ضرردن مقصد ضرر مادی اولوب کاردن محرومیت و سرمایہ ایچون فائض ضرر مادیدن معدود اولمامسنہ سناء بو جہتلره معطوف سرد ایدیلن اعتراضات اسباب تصحیحندن معدود دکلسمده اموالک مدعی علیہلر طرفندن توقیف ایتدیرلمسندن دولایی فضلہ دپو کیراسی ویرلمش ایسہ بونک مدعی علیہلردن تحصیل مقتضی ایکن مدعی علیہمادن تحصیل ایدیلہ میہ جکنہ دائر متخذ قرار تمیزینک تصحیحی حقندہ کی طلب وارد کورلمش اولدیغندن یالکیز بوسبب تصحیح قبولہ وقرار تمیزینک اشبو فقرہ سنک رفعہ و سبب نقضہ بوسببکده علاوہ سنہ و بروجہ زیر مصارف تمیزیه نک ایلرودہ حقسنز جیقہ جق طرفہ عایدتہ ۸ تموز ۹۲۸ تاریخندہ متفقاً قرار ویرلدی .

حکمہ تمیز دردنجی مقره دائرہ سندہ :

۸۳۰ . ۹۴۴

مقدمہ : اهل وقوف اعاشہ مصرفی مدعی علیہ عائد اولق شرطیلہ مساعینک شهری اجر مثلی یکریمی بش لیرا اولهرق تقدیر ایلدکاری و محکمہ جہ بو مقدار نظره آلہرق اعطای حکم ایدلدیکی حالہ اعاشہ مصرفی اولان یوز سکسان لیرانک اجر مثلیک بالغ اولدیغی اوج یوز یتمش بش لیرادن تنزیلی جہتہ کیدیلہ من خلافندہ قرار ویرلسی یواسز و مستلزم نقضدر .

مولویخانہ قبوسندہ طرسوس محلہ سندہ باروتخانہ میداندندہ اینکجی حسن اغا وکیلی معمر صالح بک ایله اینکجی اشرف اغا میانه لرنده متکون دعوایہ دائر استانبول محکمہ محکمہ اصلیه دردنجی حقوق دائرہ سندن صادر اولان ۱۷ کانون اول ۹۲۷ تاریخ و ۱۲ نومرولو اعلامک تمیزاً تدقیقی مدت قانونیه سی ظرفندہ محکوم علیہ حسن اغا وکیلی معمر صالح بک طرفندن استعدا اولنقلہ اعلام تمیزیه طرفینک لوائج متقابلہ لربلہ معاً مطالعہ و تدقیقات تمیزیه اجرا وایجابی مذاکره اولندقدہ : مساعی مدت خدمتہ عائد اعاشہ مصرفی اولان یوز سکسان لیرایی آلمادیغنه دائر تکلیف اولونان یمینی ایفادن نکول ایتسمسنہ واعطا ایدلدیکی تمیز استعداسندہ کی مبلغ مزبورک اعاشہ مصرفی اولهرق ویریلدیکنی اقرار ایتسمسنہ منی تمیزاً اون بش آیلق اعاشہ مصرفنک فرق اولان قرق بش لیرانک تحت حکمہ آلتسمی لزومنه دائر سرد ایدلدیکی اعتراض وارد دکلسمده اهل وقوف اعاشہ مصرفی مدعی علیہ عائد اولق شرطیلہ مساعینک شهری اجر مثلی یکریمی بش لیرا اولهرق تقدیر ایلدکاری و محکمہ جہ بو مقدار نظره آلہرق اعطای حکم ایدلدیکی حالہ اعاشہ مصرفی

اولان يوز سكسان ليرانك اجر مثلك بالغ اولديني اوجيوز يتمش بش ليرادن تزيلى وجهي
آكلاشيله مامش واعتراضات تميزيه بواعبارله وارد بولمش اولديغندن حكم ميز بهك سبب
مذ كوردن ناشي حقوق اصول محكمه لري قانونك درتيوز يكرمي سكرنجي ماده سنه توفيقاً
نقضه واورا قك يكيدين بالرؤيه اعلامه ربطى ضمتنده محله اعاده سنه و بوجه زير مصارف تميزيه نك
ايلروده حقسنر چيقه جق طرفه عايديقنه ۱۷ حزينان ۹۲۸ تاريخنده متفقاً قرار و يرلدى.

حكم تميز برنجي فقره راسه سنه :

اساس ۸۶۱۴

قرار ۷۶۷۱

ماده ۱ : — ملغا تجارت بحريه محكمه سنده جريان ايدن محاكاتي ناطق ضبطنامه هيئت حاكمه
طرفندن امضا ايدلمديكندن دولايي كان لم يكن عد ايدليكي حالده محكمه مذ كوره جه سفينه نك كشي
حقنده اتخاذ ايديلان قرار اوزرينه ويريلن راپورك برنجي تجارت محكمه سنجه قبول اولمسي مخالف قانوندر.
۲ — راپوري اعطا ايدن اهل وقوفك جلمسي طرفينك اتقاقيله انتخاب اولونق وامر انتخابده اتفاق
ايدمديكلى تقديرده جانب محكمه دن انتخاب وتعيين قلمق لازم كلوركن بو لازمه قانونيه خلافنده انتخاب
ايدلمش اولان اهل وقوف راپورينك معتبر عد ايدلمسي مخالف قانوندر .

۳ — بقره حكيمده طرفينك كافه مدعيات ومدافعاتك اسباب رد وقبولي متضمن آيري آيري
فقره لري وحكمه مدار اتخاذ ايديله جك اسباب ثبوتيه واستناد ايديلان مواد قانونيه ني احتوا ايتسي صراحت قانونيه
ايجاب نديدر. فقره حكيمه نك بوجائب قانونيه دن معرا بولمسي حكم لاحقك كان لم يكن عد ايدلمسي موجبدر.
ايجاب كيفيت مذا كره اولدوقده : بو خصوصه دائر ملغا تجارت بحريه محكمه سنده
جريان ايدن محاكاتي ناطق ضبطنامه هيئت حاكمه طرفندن امضا ايدلمديكندن طولايي
كان لم يكن عد ايدليكي حالده محكمه مذ كوره جه سفينه نك كشي حقنده اتخاذ ايديلان
قرار اوزرينه ويريلن راپورك برنجي تجارت محكمه سنجه قبول اولمسي مخالف قانون
اولديني كي مذ كور راپوري اعطا ايدن اهل وقوفك جلمسي طرفينك اتقاقيله انتخاب
اولونق وامر انتخابده اتفاق ايدمديكلى تقديرده جانب محكمه دن انتخاب وتعيين قلمق
لازم كلوركن بو لازمه قانونيه خلافنده انتخاب ايدلمش اولان اهل وقوف راپورينك
معتبر عد ايدلمسي مخالف قانون ومستلزم نقض اولديني كي فقره حكيمه طرفينك كافه
مدعيات ومدافعاتك اسباب رد وقبولي متضمن آيري آيري فقره لري وحكمه مدار اتخاذ
ايديله جك اسباب ثبوتيه ني واستناد ايديلان مواد قانونيه ني احتوا ايتسي صراحت قانونيه
ايجاب نديدر اولديني حالده فقره حكيمه نك بوجائب قانونيه دن معرا بولمسي دخي حكم
لاحقك كان لم يكن عد ايدلمسي موجب اولديغندن حقوق اصول محاكمه لري قانونك
درت يوز يكرمي سكرنجي ماده سنك فقره مخصوصه سي موجبنجه حكم مذ كورك نقضه

و کیفیتك نقض واقع دائره سنده مقتضای ایفا ایدلك اوزره اوراك محلّه اعاده سنده و بوجه زیر مصارف تمیزیه نك ایلروده حقسز جیقه جق طرفه طایدینه ۲۲ کانون اول ۹۲۷ تاریخده متفقاً قرار ویریلرک حاضر بولنان میز علیه اسعد پاشا و وکیلنک و جاهدنده و کیان میزك غیابنده تفهیمی اجرا قلندی. ۲۱ شباط ۹۲۸ تاریخ ۹۸۴ عددلی اعلامك صورتیدر.

حکمه تمیز برنجی حقوقه دائره سنده:

۳۴۸۴

موضوع: مأجور دكانك حصه شایعه معلومه سنده مدعی عارف افندیك ارثاً مالك اولدینی میز اعلام ایله مثبت بولونسنه نظراً مدعی علیك حصه سی حقنده ایجاره اجازتی واقع ویا اخیراً لاحق اولادینی حالده مذکور دكانك تمامك شریفه خانم طرفندن مدعی علیه ایجاری فضولی اولدینی کی بو عقد فضولی به استناد آمدینك حصه سندن مدعی علیك انتفاعی کیفیتده غصب حکمی جریان ایده چکنه و بناء علیه مذکور حصه نك اجر مثلك تضمینی ایله مكلف بولمنسه کوره محکمه جه بوجه تارك نظر اعتباره آلتاماسی بولسز و مستلزم نقضدر. بشکطاشده علی اغا محله سنده 19 نومرولو خانه ده مقیم عارف افندی ایله فاتحه ده چهارشنبه ده بکچیلر سوقا غنده 43 نومرولو خانه ده ساکن قریبی اسماعیل افندی و برادری مؤسسه سی و مداخل دعوی بشکطاشده شلك دده محله سنده اوزونجه اووده مختار سوقا غنده 4 نومرولو خانه ده ساکنه شریفه خانم پینده متحدت اجر مثل دعوا سندن دولای استانبول محکمه اصلیه دردنجی حقوق دائره سندن صادر اولان 21 ایلول 927 تاریخی و 315 نومرولو اعلامك تمیزاً تدقیق مدت قانونیه سی ظرفنده مومی ایله عارف افندی طرفندن استدعا و طلب اولمغله بالتدقیق ایجاب کیفیت مذاکره اولندقده: مأجور دكانك حصه شایعه معلومه سنده مدعی عارف افندیك ارثاً مالك اولدینی میز اعلام ایله مثبت بولمنسه نظراً مدعی علیك حصه سی حقنده ایجاره اجازتی واقع ویا اخیراً لاحق اولادینی حالده مذکور دكانك تمامك شریفه خانم طرفندن مدعی علیه ایجاری فضولی اولدینی کی بو عقد فضولی به استناد آمدینك حصه سندن مدعی علیك انتفاعی کیفیتده غصب حکمی جریان ایده چکنه و بناء علیه مذکور حصه نك اجر مثلك تضمینی ایله مكلف بولمنسه مبنی محکمه جه بو نقاط نظردن محاکمه و تدقیقات اجر اسبله تبین ایده چك حاله کوره حکم اعطاسی لازم کلیرکن بالذهل بوجه محرر قرار ویرلسی مخالف قانون و اعتراضات تمیزیه بواعتبارله وارد بولمنش اولدیغندن حقوق اصول محاکمه لری قانوننك ۴۲۸ نجی ماده سی موجبجه حکم میز بهك نقضه و کیفیتك نقض واقع دائره سنده مقتضای ایفا اولمق اوزره اوراك محلّه اعاده سنده و بوجه زیر مصارف تمیزیه نك ایلروده حقسز جیقه جق طرفه طایدینه 8 مارت 928 تاریخده متفقاً قرار ویرلدی.